

Q. D. B. V.

RES SVEO-
GOTTHICAS,

recensent

CONRADVS SAMVEL
SCHVRZFLEISCH,

ET

IOANNES BERING,
Gryphisvv. Pomeranus,

In Auditorio Maiori,

XIX. KAL. SEXTIL.

CVM PRIVILEGIO SEREN. EL. SAXON.

Disputatio XV.

LIPSIÆ, Apud NICOLAVM SCIPIONEM,
clb lbc XGIIIX.

NOV 22 1883

RECEIVED

LIBRARY

OF THE

CONGRESS

OF THE UNITED STATES

OF AMERICA

WASHINGTON

1883

NOV 22 1883



I.

Sveonum, et qui iuxta hos eiusdem originis* sub uno Martio regno colunt, Gothonum acta bel-
laque referam, et quibus artibus creverint utri-
que ac floruerint, tum quae disciplina, quae glo-
ria domi militiaeque fuerit, memorabo.

* Svedi velus septentrionis sui Aborigines, et domestici imperii te-
naces, ab se Gothos Cimbrosque effuderunt, Goldast. de reg. Boh. lib. 1. cap.
5. p. 7. Quod ex Crantzii Suecia lib. 1. cap. 9. et annalibus Gothilandicis
hauit, unde constat, Svedos s. olim fere patrii sedibus continuasse, Gothos
autem longe a septentrione itineribus profectos, vehementi et repen-
tino impetu in Romani imperii fines penetrasse. Hinc Paulus Iovius lib. 1.
Hist. sui temp. Galbam affirmat Romanorum malo clariorem, quam
Svedi im. Pulchre Crantzius, Sveciae, inquit, domi et vicinis in locis no-
men praestulit: foris autem et in longinqua militia, Gothorum gloria
sublimioribus longe titulis inclaruit. Etiam utriusque gentis originem
inducit David Chytraeus in Suec. p. 111 et ex eo Matth. Lungovitzius de
Gust. Adolphi adv. neu in Germ. p. 25. Discedimus a Iohanne Ludovico De-
cio, qui Gothus tribuit origines Sarmatarum, lib. 1. edit. Pistorian. Multo
reliius sentit Ioannes Matthias a Sudetis in lib. de orig. Bohemorum, cui
plurima debet Melchior Goldastus in commentar. de Boh. regn. Ioannes Ia-
nus Spaning. olim Cimbros appellatos esse approbat, interv. 2. iudicum
Cimbriae p. 11. Hui subscribit Olavi Vtermius in monumentis Runicis
p. 28. Contra, quam nos Danos Cimbrosque a Gothis secernimus, licet
non inficias eamus, utrosque ab ultimo Germanorum esse oriundos, et fi-
nitimos saepe sedes tenuisse. Plane sicut Langobardi, et alii multi, origi-
ne sunt Germani, et separatim tamen a Gothis constituunt populum, sepa-
ratamque gentem. Henricus Spelmannus, antiquitus Getas Iutasque di-
ctos, assertit: nec dissinit Io. Matth. a Sudetis, et utrosque sequitur Rut-
gerus Hermannides descri. Svec. p. 15. Conf. Io. Nic. Strelowius in Chron.
Gothiland. A. 1633. ed. ac novissime Io. Loccenius in Anriq. Sveci-Goth. Iod.

Lud. Decius etiam nominis huius ambitu Dacos Vanda'sque comprehendit, lib. cit. Sed is plus saepe, quam deest, liberalis est. Ex Veteribus Gothi ac res illustrarunt Iornandes, Episcopus Ravennas, quem iure commendat Crantzius, Isidorus Hispalensis, cuius extat Chronicon Gothorum, cura Fr. Lindenbrogii vulgatum, Procopius Caesariensis, quem laudat Decius. Nec nunc quid addam de Paulo Orosio, Gildone Ravennate, Flavio Blondo, et his ac horum similibus. Ex recentioribus nomino Ioannem Magnum, Vpsaliae Praefulem, qui odio instauratae per Gustavum I. religionis se ex Suedia proripuit, secumque Romam attulit praecipua Svedicarum rerum monumenta, Io. Loccenius Hist. Spec. lib. 6. p. 258. Ljungvitz. de Archiep. reg. Sued. p. 94. Is ob laudem historiae magno numero est, et in rebus ultimae antiquitatis evolvendus cum delectu, praesertim cum Annii Berosum, et similes allegat. Fratrem habuit Olavum Magnum, et eruditione secundum sibi, et, quod Augustini Mascardi iudicium est, incerta saepe ac fidem excedentia pro certis affirmantem. Opus aliquin satis forma et stylo luculentum est, atque superiori saeculo editum Romae, et nuper Anno 1617. novo redditum prelo: Olavi Magni breviarium altera vice Lugduni Batavorum A. 1652. sat nuda excusum typis est.

II. Horum ab ultimis, quoad respicere possum, temporibus, magna virtutis * prudentiaeque opinio, ac prope incredibilis augendi imperii cura fuit. Otium, quod corrumpere animos solet, exosi, virorum inimplere munus, et facere imperia, et evertere optaverunt. **

* Testis est Isidorus in Chron. Gothorum, Gothos tantam rei bellicae famam adeptos, ut viderent Alexander, pertimuerit Pirrhus, exhorruerit Caesar. Iornandes de rebus Gothicis p. 86. comprahit, sapientiae studio vicisse omnes barbaros, et cultu plane Graecorum similes fuisse: quod adeo documentum est, manu porinde ac ingenio valuisse, et praesentes ad pericula animos et egregia consilia attulisse. In primis veterum sermone celebrantur carmina Gothica, quorum meminit dicto loco Iornandes, et literis Runicis composita recitant rerum septentrionalium scriptores, Saxo Sialandicus (vulgo Grammaticus) et Olavi Magnus, ac post hoc Olavi Tormius in monum. Runicis. Adacibacus Ljungv. de reg. Sued. Sed reperias apud hos, quod de-

desideres ad argumenta historiae certae. Non scius, atque apud Germanos, quos multi fœlis laudibus onerant, cum veris acquiescere debuissent. Nec vero praeterurimus, Svedos etiam quandoque sedibus suis egressis, regnum apud externos condidisse, ac Svecorum nomine remisse acro Iornandu, qui p. 125. de rebus Geticis commemorat, Riccarium Svecorum (id est, Svedorum) regem, Theodorici Gothorum regis cognatum, et ut plane loquar, ab una stirpe et gente oriundum fuisse. Assentiuntur ex doctis Reimerus Reinccius, Franciscus Grællmannus, Ioannes Stumpsius, viri insignis iudicii atque accuratioris: eumque his ferme omnes rerum Svecicarum conditores, Petrus Etterlinus, Felix Faber, et Martinus Crusius.

** Id liquet ex coemigrationibus Ostro- et ITisrogothorum, sive ut alii scribunt, ITisegothorum, quæ nomina perperam interpreta-
tur Gotfridus Viterb. Chron. part. XVI. At melius Monachus Nuss. in M. Chron. Belg. p. 11.

III. Romanorum iudem sæpe, si vetustissimos re-
to, amici, interdum hostes, Germanorum fratres et propin-
qui, * ex Scandinavia, ** velut communi gentium nostra-
rum sede, exiverunt.

* Hoc non ambigua fide traditur, et vel ipse Gustavi Magni
confessione sustinetur, qui A. huius seculi supra millesimum sexcentissi-
mum septimo et vigesimo, 12. Nov. Germanis, qui tunc inter retinen-
dae religionis spem, et amittendæ metum versabantur, copiam facie-
bat redeundi ad pristinas antiquasque sedes, et communi Svedorum
Gothorumque utendi iure. Ac hæc, credo, literas innotuit doctissimus
Goldastus, dum Germanos ad repetenda Aboriginum loca a Gustavo
Adolpho invitator accitorque, ex dignitate veterum memoriae scribit lib.
2. cap. 5. de Boh. reg. Præclare in hanc rem Cranzius recitit, Go-
thos Cimbrorumque de magnæ Germaniæ finibus, quasi examina, egres-
sos fuisse, lib. 1. Svec. cap. 1. Multis ante Cranzium seculis Iornan-
des, sive ut alii signant, Iordanes literis mandavit, Scanziam (quam
nos Sandicam, seu paulum producto nomine Scandinaviam appella-
mus) quasi officinam gentium, aut, uti idem loquitur, velut vaginam
nationum ab se emisisse Gothos, de reb. Get. p. 38. cuius situs pingitur
apud Strabon. rer. Geog. p. 327. et Ptolemæum in Germania magna,

tab. II. et Schonland. tab. XII. inde exiisse in Scythiam producit: Iodocus Villubus in Chron. Tac. Germ. p. 416. Quod recordari debuisset Monachus Nussensis, qui ignorato migrationis discrimine, Scandiam Scythiam insulam vocat, M. Cbr. Belg. p. 11. Longe aliud cognoscere licebat ex Iornande, sec. VI. Scriptore. Albertus Crantzius nimis animi est, cum negat, in Scythiam discessisse, quod tamen ait Iornandes. Quamquam commoda forte interpretatione iuvare possit Monachus Nussensis, si Scythia non quævis, sed Gothica, sine Teutonica, intelligatur. Eo conf. Rodericus Sanctius et reliqui scriptores Hispaniæ illustratae, qui erudite et diligenter admodum investigant res Gothicas, accepta Vestrogothicæ migrationis occasione. Sed reuertamur ad Germaniam magnam, longe porrectam ultra Albi, et Gothorum Suedorumque fines olim complexam, quod ex Plinio itaque evincere in proclivi est. Vid. Petrus Bertius com. rer. Germ. lib. 1. p. 179. Nic. Reusnerus de Urb. Imp. p. 8. Ut recte iuxta et eleganter Augustus Buchnerus Svedos in Teutonice origines partem, et unius lingue commercium ascribat. Orat. Paneg. II. ob Vitor. Lipsi. De Origine reddidimus paulo ante: consentiuntque in Tutum animadversores, Scythas Etrusco (id est, Gothos Svedoque) a Germanis non esse excludendos. Iod. Villub. lib. supra cit. Quod ad eadem lingue elementa, communemque sermonis contextum pertinet, graviter affirmat Rodericus Toletanus, Teutoniæ, Svedicæque unam habere linguam, idiomatibus tantum distinctam. Consenti Procopius, siquis Infricani æqualis, et perspicue græcitate fideique lib. 1. Fandæ. Nempe adeo una opera et Teutonum laudes, et tot Suedorum Gothorumque triumphos enumeramus. De terrarum, in quibus confederant, ambitu addendum censeo, aliis finibus olim, aliis nunc descriptam distinctamque Germaniam esse. Dehinc multum diversi existimari oportere, undem Germaniæ Magnæ limitibus includi, et eodem imperio regi. Nam extra controversiam est, in veteri Germania magna diversas a ceteris Gothorum Suedorumque respublicas fuisse. Propterea Suedi nec a Romanis, nec a Romano-Franis Teutonibusque Imperatoribus unquam redacti sunt ad unius imperii leges. Augustus, circumvoluta ad Cimbrorum promotorium classi, non occupati, sed navigati Julem Oceani famam accepit. Et post Plinium Petrus Bertius lib. p. 89. Carolus M. in finibus Cimbrorum Danorumque hæsit, ad Suedos non perrexit. Si-

re propter inopiam rei navalis, sive ob metum Nordmannorum, ferocis-
 simae, et factae ad arma irritandae gentis, cuius et rebus et portio Sve-
 di erant, autore Adamo Bremense H. E. lib. II. cap. IX. Qvin et hac
 notione aliquando distinguuntur Svedi a Daniis, ut colligo ex Abb. Abb.
 Stad. ad A. 948. Simul et hinc ostendo, Daniam Ortoni M. factam
 esse velligalem, non Svediam. Andreas Severinus Velleius in Not. ad
 Bremensem lib. I. cap. 48. non Danos Aborigines, sed Frisiae Nordman-
 nos, qui ad faciendam piraticam enavigaverant, isto loco cupit de-
 notatos. Sed ea interpretatio manifesta falsi est, et vel ex solo Abba-
 te nostro eius contrarium indicatur, loquitur enim Abbas tam eviden-
 ter, ut vel caedum moveat aliena explicatio Velleii. Haroldus, inquit,
 Ortoni subicitur, regnumque ab eo suscipiens, Christianitatem in Dania
 recipere spondit, et ut Otto S. Blasianus cap. 28. tradit, sub homine,
 quod hodie homagium dicunt. conf. Abb. A. 1163. Atqui Haraldus non
 Frisiae regulus, sed Daniae Rex erat: praeterea regnum suscipiebat ab
 Ottone, suscipiebat autem parendi, id est, tributaria ac postea beneficia-
 ria lege. Quod de Suedia nullo probari exemplo, nulla asseri ratione
 potest. Ea ex causa Gustavus M. permolestè tulit, sibi in literis a Cae-
 sare Ferdinando II. redditus ascribi titulum nostri Principis, eo quod in
 se ac Svediam Caesares nil iuris, nil imperii haberent: quandoquidem
 a Deo summae rerum impostus esset, nec ab alio penderet, praeter De-
 um. Verba in hanc formam concepta sunt. Derentshalben dann wir
 auch die Schreiben der Kayf. May. in welchen / und deren Wber-
 schrift / Y. May. Vns. (unsern Fürsten) genennet / und gleichsam / als
 wann wir Ihme mit Unterthenigkeit verpflichtet weren / angeredet /
 neulicher Zeit in keine Wege haben annehmen / oder zulassen können /
 sintemahl wir auch nicht einen Erdschollen oder Fusses breitt von der
 Kayf. May. besitzen / sondern was wir in unserm Reich inn haben /
 das haben wir alles Gdt / und dem Schwerd / und unser gerechte-
 ster Sach / durch die bishero mit Götlicher Gnad geführte Krieg /
 und erhaltene Victorien zuzuschreiben: Epist. 13. Octob. A. 1630. Stral-
 fundio ad Senatum Electorum missa. Significanter scriptum was wir
 in unserm: nam longe aliter comparatum est cum principatibus ac di-
 tionibus in ambitu imperii Germanici sitis, de quibus publica pacis Os-
 nabrugensis formula cautum est. Instrum. pac. art. 10. §. Terrio impera-
 tor. Summatim, Caroli. M. Ottonique M. expeditionum times mar-

Balticum fuit : ulterius nulla nostrorum arma proferri poterunt. Plinius lib. 2. cap. 13. suo tempore magnitudinem Scandinaviae tantam esse scribit, ut nondum penitus explorata fuerit. Solinus cap. 29. assentitur. Non capio hic, quod Ruyterius Hermannides allegat, qui Solina contra Solinum ascriptis contrariam opinionem, descripsi. Spec. p. 11. et 12. Multo rectius Io. Magnus praefat. Hist. cap. 1. reddidit de Solini mente. Eidem et Baltiae cognomen inditum fuisse, affirmant veteres, et ita forte constat origo Germaniae Ciu-Baltianae.

IV. Quamquam auctores habeo, in Gothilandia * confedisse paulum, et inde, ut ausu impetuque prompti erant, egressos, rupisse imperii limites, et cohortes legionesque suas deduxisse fere per universum orbem terrarum. Sed haec atque talia iactantur in vulgus, et nulum nisi a scribendi audacia subsidium habent. Haud enim est, ut credam, tam exiguum spatio insulam capere potuisse tantam gentem, in cuius nomen atque imperium tot terrae gentesque coalescerunt.

* Notat Upsalensis Praeful Volaterranum, quod ex Ablatio, qui fidelissime res Gotthuas composuit, cuiusque historiae multum tulit acceptum Iornandes, eruat huius sententiae rationes, ut quae ludibrium apud suos, contemptum apud externos mereatur. Quum non quidem rationes in promptu sint, cur negetur, inditum Gotthilandiae, sive ut Saxo Sialand. scripsit, Gathlandiae a Gothis nomen, digressio prius in vicina populo, quam ad longinqua profiscisceretur, Crantzii lib. 1. Spec. cap. 3. rationes vero magno contra numero afferri possint, cur negari penitus debeat, Gothilandiam, quam Gotthiscandiam extulit Praeful Ravensennas, tam ab stirpe sua diffusum Gothorum genus per angustias suis finibus nequaquam continuisse. Eo vid. Iornand. de reb. Get. p. 83. Crantzii in Hist. Spec. lib. 1. cap. 2. Ioannes Magnus lib. 1. cap. 7. Goth. Speculumque Hist. conf. Roderici Toletanus, Rodericus Sanctius: ex nostris, licet decoro historico dupar, Matthaeus Lungovitzius. Piger hic recensere controversius veteres de Gothilandiae iure, quod dudum Svedi Danicique Scriptores reculerunt in suos annales. Adiacet Ostrogotthiae litoribus, ut situs et tabulae monstrant : Ostrogotthia autem in Svedorum divisione est, et hinc pro Ostrogotthiae accessione habent Svecos, et
supra

superiori tempore recuperat im possident denuo. Conf. Io. Loccenius Sped. p. 238. 244. Inprimis Olaus Magnus sept. Histor. epist. l. 2. cap. 22. et lib. 17. cap. 1. Rut. erus Hermannides de script. Sped. p. 447. Sed non refert naves, ut haec et horum similia disc. ptemus.

V. Haud mediocriter hic solliciti sunt multi, et simul intenti in tot susceptarum migrationum causas; praecipue perquirendum existimant, quid fuerit, quod olim has gentes accenderet ad tam longinqua itinera, et tot ac tam impeditas difficilesque vias ineundas. Ego, si quod in animo est, referre ingredior, persuasum habeo, insignem quandam et ferme quiescendi nescium vigorem, * quo duce atque instinctore nil factu arduum, aut invium erat, excitasse hos mentibus impetus et studium migrandi. Hinc et ultionis ** saepe amor, et ostendendae apud externos virtutis *** cupido animos incesse- runt. Forte etiam quandoque tenuis res **** et necessitas, et familiarum multis modis diffusarum auctarumque incrementa ***** effecerunt, ut recederent ab suis finibus, et alienos occuparent, alienarum opum causa.

* Inest quaedam in animis Septentrionalium vis, qua cidentur ipsi, ut quietem atque otium non fiant, sed concitentur facile et gaudeant motu; exemplo sunt Vandali, Heruli, Langobardi, Svedi, Cimbri, et qui Septentrionem colunt omnes, inprimis Gothi Sronesque ex Scandia et Germania magna, quam sic notione historici dicimus, effusi. Nec semel, et ingenue Ioannes Magnus affirmat, Gothos bellico ardore concitatos, terras reliquisse vacuas, et processisse in Scytharum regiones. H. l. i. cap. 22. Cuius rei causas naturales doctè eruit Medicus Hagniensis Tb. Bartholinus.

** Paulus Iov. H. lib. 1. p. mib. 2. recenset, Gothos totius orbis iniurias ulcisci velle visos esse. Io. Magnus Hist. l. 1. cap. 14. inter praecipuas Gothicae migrationis causas refert vindictam hostium.

*** Iterum multa asseveratione tradit Io. Magnus, Gothos, quantum viribus possent, experiri voluisse, ibidem. Pereleganter scribit Erycius Puteanus, ostendisse Gothos, rerum dominos posse debellari, Hist. In-
B
jubr.

fabr. lib. 1. p. mib. 8. Et licet colligere ex Iornande, tantum tribuisse bullicae gloriae, ut Deum bellorum apud se gentium dicerent, de reb. Ger. p. 86.

**** Quod minime ducimus Gothus crimini dandum, multo minus Gothiae Avoriginum patriae imputandum, cuius inopiam allegant multi ex causa naturalis regni huius sterilitatis, quod recte refellit Io. Magnus allegato loco. Nec tamen diffitebor, Gothos ab suis Aboriginibus egressos eo rediisse paupertatis, ut prope vilius cultusque defecere, quod confirmare in numerato est ex Iornand. de reb. Ger. pag. 138. collat. cum 167.

***** Subscribit sententiae Olaus M. in ep. dedicat. historiae Ioannis fratris ad Ericum electum Svediae et Gothiae regem, quum prodit, Gothos nimium auctos, seu quo ipse utitur stylo, ob nimiam multitudinem, novas sedes quaesituram sobolem emisisse. Eratque id prisca moris, et gloriae plenum cum apud Graecos, tum apud alios quosvis populos. Dionys. Halicarnass. l. cap. 16. Simile exemplum habet Iustinus XXXIV. IV. 1. conf. G. Hermann H. imp. p. 35.

VI. Postea vero, quam migraverunt nostri, et varium nomen, * et fortunam saepe diversam ** sortitos accepimus. Sed erigebat fortitudo animos, et manu alioqui promptos magis acuebat, nec tam opes semper et regna, quam expeditionum gloria in oculis erat. Sveones industriam exercere domi, et procreare Coloniae sobolem contenti, Aboriginum sedes imperiumque tuebantur. *** Gothi apud externos pugnare avidi, sedibus exciti suis armorum auspicia sequebantur. **** Rugorum Venedorumque campos brevi tempore insederunt. ***** Inde longius profecti Scythiam ***** cultu vacuum, et coelo situque asperam adierunt, nil divitias, propter quas sui subinde obliviscerentur mortales, nil pingve Pomeraniae Sarmatiaeque solum, quod deicere vigentes spiritus, et langvorem conciliare animis poterat, aestimantes. Vnum tandem inter tor pericula,
labo-

laboresque maximos praesenti gentis fortunae sufficiebat, occupasse Maeotidis paludes. *****

* Nunc Getas, nunc Gepidas, suscepta migratione, vocatos mini. De illis vid. Iornandes, Cranzius, Io. Matthias a Suder praedicti loci : de his Io. Magnus Hist. 1. cap. 15. quos qui numerant in Slavia, et horum parte, Valachis, ii neque origines, neque migrationes gentium recte sciunt, et si sciunt, haud vere interpretantur. Vid. Iornandes de reb. Get. p. 98. Nihil fecius existimo de vocabulo Scytharum, quod non attulerunt Gothi, sed acceperunt. At hoc vid. infra. Sed et saepe variavit usus pronunciandi Gothorum nominis, tametsi eodem genere erat et origo communis. Memorat Carolus Sigonius lib. 1. de imp. occid. pag. 12. et, quod opinor, ex eo Petrus Bertiis com. rer. Germ. p. 74. Vistungos, seu Wisigothos, et qui ex horum posteritate oriundi erant, Grutungos et Tervingos : de Ostrogotibus late tradit Io. Matthias a Suder, confirmatque Io. Magnus, paulum mutato nomine popularibus suis duci Ostrogothos, quos iam olim Ostrogothos nuncupatos esse, gravissime perhibet Ravennatium Praeful. Eorum, quatenus in Italia sedes fixerant, a Theodoro ad Tiliam usque reges enumerat Carolus Sigonius lib. XVI. XVII. XVIII. XIX. de imp. Occid.

** Refert Io. Magnus lib. 1. cap. 15. cum mari ventique luctandum fuisse : et eiusd. lib. cap. 20. Gepidas, quum horum ab illis facta discessio esset, Scythas Veneti quae (ipse Vandalos errore Cranziano vocat) accessisse, cumque his in Gothorum exitum conspirasse. Cranzius supra alleg. et ex eo Lungovitz descript. Reg. Sued. Simul observo esse, qui existiment, praeteritum civile belli migrasse Gothos, communium Gothorum Sveonumque republica, Io. Magnus 1. Hist. cap. 14. collat. praefat. cap. 2. l. 6. cap. 20.

*** Distinguedi hic sunt Gothorum intra, et extra Gothiam, reges, seu indigenae (alii cum Ioanne Gotbo internos numupant) et ex indigenis egressi. Non applaudimus Volsigango Lazio, qui horum in illos imperium asserit, cum discreta suis finibus et diversa Gothorum imperia, factis migrationibus, extiterint. Vid. eo Allonius a Carthagenae, Wisigothicae rerum scriptor industrius, cum quo confer. Io. Magnus.

**** Prodit Crantzius, Rugiam Pomeraniamque, imo et Polesiam Magnopolimque occupasse, et aliquandiu habuisse in sua potestate, lib. 1. cap. 5. Et hunc, ut alias solet, sequitur Io. Magnus l. 1. cap. 15. uterque, et id nunc laudo, insisterunt vestigiis Iornandi, de rebus Get. p. 87. Vimerungos appellantis, quos Pomeraniae Rugiaque ambobus designat.

***** Iornand. allegato loco. Unde licet colligere, Gothos non esse origine Scythas, nec S., hinc a Gothis tulisse nomen, sed Gothos illud a victis pulsisque Scythas duxisse prisio illo aet. Ann. Ab. Crantz. et Io. Magnus lib. 1. cap. 27. VVillich. in Tacit. p. 416. Io. Aventinus lib. 2. Ann. R. Getae sunt, inquit, quos Germano sermone Gothos, communi vocabulo Scythas appellare solent. Errat Cbrist. Ad. 8. Thundenus ad Ann. 1653. dum tradit, Gothos Scytharum Getarumque nomina usurpasse. Quamquam non ausim dissimulare hi, Iornandem atque Aventinum legendos pariter et iudicandos esse. Damus enim, Gothos appellari solitos nomine Scytharum: damus insuper, Getarum nomen esse, prodito a Probo et Dexippo, quos secutus Iornand. est, exemplo: sed tantum abest, ut damus, omnes Getas Scythasque appellandos esse Gothos, ut quoque id diserte negemus. Et hoc est, quod Iornandem Antonius Bonfinius Dec. 1. lib. 2. p. 38. quod omnia Scytharum gesta ascripserit suis Gothis. Confer. Hermannus Conringius de Orig. iur. Germ. cap. 4. Sed et reverendi hic subit, Scytharum nomen quandoque indidit causa, et ad denotandum contemptum Gothi attributum fuisse, quod Ioann. Mithem lib. VI. cap. 12. Perinde ut cum nomine Getarum factum esse constet, Iornandes de reb. Get. p. 98. Alioqui observamus, Scythas aru valuisse olim, nec desino, qui ab egregia emittendarum fugitiarum peritua dictos putent. Non secus atque per Cimbrospondam pugnatores per Sicanobros victores gratia diuturnantes denotari solitos finimus.

***** Io. Magnus lib. 1. cap. 22. Et cum eam ostendere carmina Gothica, fidem facit ex vetustissimo Gothorum historico Abbate Iornandes, simul memorat, Gothos velut victores ad extremam Scythiam partem contendisse. Sed quid de carminibus sine Gothicis, sive Rom. 2. et quorum tam illis ac pervagata fama est, obeliscis, pyramidibus ac lapidibus Septentrionalium sentiantur, hic iam dicere non

vaat. Saltem merito suo hic et infra notamus Philippum Cluverium, virum saepe interpositive auctorem, apud quem alio non est momentum huiusmodi armatus, ut rursus quoque in solum omni, quod proditum est de migratione Gothorum ex Scandinavia. Puteat ab insignis iudici viro, Hieronymo Conringio, aspiatur de Or. Inr. Germ. cap. 5. de Statu Helmstad p. 65.

VII. Exacto ita per has migrationes tempore, velut ad perdendos imperii Romani fines, ruere in bellum, idemque immanissimum, coeperunt. Primo Graeciam, et ditiones finitimas, * cum Panthoniā ** aggressi, rupto limite praefidia Romanorum disturbarunt, et hinc in Thraciam *** converti, validissimas Valentis legiones oppresserunt. Iam via in Italiam **** facta erat, caputque rerum trepidabat, si non diripere modo, sed dominari etiam statuissem. Verso igitur itinere, in Galliam pergunt, et inde in Hispaniam ***** exeunt, Celtiberorum futuri necatores.

Non vult re-ferre Eutropius, qui praeter Graeciam commemorat Macedonia, Pontum, Asiam a Gothis devastatam, p. mib335. Assensitur Trebellius Pollus, et de Gravina item repetit Iornandes de regnor. sueciff. Sed quoque iam dicantur foderi magno, aut quod, ut scribit Eutropius, omnia barbaria se commoverat, accesserunt. Confer. Eusebius, Orosius, Is. Magnus lib. 6. cap. 13. Illud vulgo dicitur Martomanicum, a Mirco Manu intei foderis autoribus, in cuius partem venisse Gothos, facile colligimus ex argumentis Historiae augustae veteris, quam prodiderunt Dio, et qui excerpta eius adeit Xiphilinus, postque hos Intius Capitolinus, scriptor praecipue dignus, et nuper a Claud. Salmasio egregie illustratus, Eutropius, quantum styli negligent, tantum a compendio laudandus, Ammianus Marcellinus, licet nullo de Gothis cultu, tamen graviter et verax, Iornandes, Gothi ipse, et rerum Gothicarum gnavior intelligens, et pro captu aevi, barbarie migrantium populorum foedati, adeptus industriae laudem. Sed quis omnes in tam exiguo spatio complectatur?

* Puteat hic sufficiat Io. Matthias a Suder in Dissertatione de

B 3

orig.

orig. Bob. qui et patrias exterasque origines pulchre ibi et cum eximio delectu investigat.

*** Nominamus Iornandem de reb. Get. p. 107. Paulum Diaconum, qui comprobat, Romanos ne primum quidem impetum Gothorum sustinuisse, p. m. 384. Confer. Euseb. in Chron. p. 187. et Orosius lib. 7. p. 597. qui bellum lacrymabile ex parte Romanorum vocant: causa belli traditur penuria, auctoribus, quos modo laudavimus, Iornande, Eusebio, et Adone Viennense in Chron. p. 146. Afferit O. Magn. episc. lib. 2. cap. 23. Gothos hos, qui sortis militavissent, Versu imaginem in signis insulam gestavisse, eoque indicio, bellarii em Gothiam, et viri armisque validam ostendere voluisse.

**** Thraciam Daciamque obtinuisse, satis fuit. Conf. Iornand. p. 107. Ab hoc tempore Romanorum foderati, Reges Prætergerno et Arbanarum, mariti ipsi cum Martio populo, p. m. 384. utate concuclerunt, p. 108. donec Alaricus Italiam non dominatus, sed præcæ causa ingrederetur, pag. 110. Thomas Boetius dum agnoscit antiquæ hæc Reipublicæ Romanæ vulnera, simul aestimat Gothorum moderatorem, ut qui aris templaque peperissent, et in bello etiam bellarii observantes fuissent: De Ital. stat. p. 222. et d. l. Iornandes, Socrates lib. 9. cap. 9. Conf. Paulus Orosius lib. 7. cap. 39. et August. de C. D. in eandem sententiam: nec dubitat porro Boetius confirmare, plus sanguinis bello civili Cæsaris, et Sullæ, quam Gothico profusum esse, p. 388. lib. alleg. Atque id hausit ex Paulo Diacono, qui reserit quidem, subiecto notione ipsi foddit: Romanos, sed Iornandes p. 110. nil de incendio meminit, forte quia leve, et ut Daciam trahit, aliquotiarum ædium incendium fuit. Sed multum id distare ab incendio totius Cæsaris constat, ib. p. 356. Nec tamen idem omniam Gothiæ regum incensum fuit. Successor enim Alarici Athalaricus, de quo est apud Iornand. pag. 56. oblitiscere præsum Romanum nomen, et pro Romania Gothiam appellare, animum induxit, Oros. l. 7. c. 41.

***** Velut dixito monstramus repetitam Gothorum migrationem, quæ Hispaniam, cunctis inde Vandalis, impleverunt, Machiæ. lib. d. m. grat. pop. 10. Matth. a Sudetis, et cuius nunc præcipue testimonium valet, Paulus Diaconus, qui ascensis Pyrenæis montibus, Hispanias invadisse, affirmat, p. m. 363. Præcipue videatur Isidorus Hispalensis in Chron. l. 17. c.

*sejor. Comprobat Iornandes p. 114. de reb. Ger. Gothos adeo facisse in-
Fundatos, ut, si fortuna coepisset assuisset, prorsus apparuerit, ipsos in
Africam persequi voluisse.*

VIII. Refert nostra hic, ut explicemus numerum,
modumque expeditionum a Gothis susceptarum, earum ma-
xime, quas fama et fortuna insigniores fecerunt. Primus,
a quo auspicati historiam sumus, ad Vistulam * exiit, ori-
entales occidentalesque Gothos armorum atque itineris so-
cietate copulavit. Ab eo tempore et amplior rerum ge-
renderum occasio, et multo maior migrandi ardor fuit. **
Vistulae ambitum emensis, Danubius *** restabat, dignum
novi belli praemium, propter quod tam longos terrarum-
tractus, regionesque maxime dislitas peragrassent. Quo re-
rum statu vix erat, qui Gothorum impetum sustineret, quum
vel iam in ipso imperii Romani aditu pugnaturi flarent, Cae-
saresque **** rerum dominos adurentur armis, qui cum
et perhorrescerent adventum, et clades ominarentur tibi, do-
nis foederibusque Marium a Septentrione populum placave-
runt. Si tamen resisterent hi, et ad reprimendam transi-
limitis audaciam, confererent pugnas, Gothi ira doloreque
excitati, et velut ulturi iniurias, ***** neque magis copiis,
quam animis aucti dimicarunt. Si ferro fecissent iter, non
casu, sed consilio alii in alias terras processerunt, quidam
sedes occiduas, ceteri, quas monstrat oriens, elegerunt. *****
Sveones interea ut dignitatem servabant domum, ita per Gothos,
velut propagines suae stirpis, famam atque decus longe maxi-
mum ad externos protulerunt.

* Unum olim apud Gothos antiquitatis genus, Gorbica carmi-
na, Ablabio Iornandique celebrata, et semere a Ph. Cluvio vocata
in dubium, memorant insignem hunc egressum, provocantque ad e-
indigenae et exteri, consentiunt scriptores antiqui, accedunt veteres de-
scri-

scriptiones locorum : et si vel maxime historia non attingit spatium, hoc, nec ad vetustissima retro Gothorum carmina facile ascendit. superunt tamen argumenta alia, ex comparatione operum prisque Gothici moris eruenda. Vt isto audacior sit Antonius Boninus, qui rer. Vng. Decad. 1. lib. 2. asserit, Iornandem undique, ut ipse ait, mendicare coniecturas verisimiles in honorem patriae gentis, negatque insuper ex Scandinavia egressos esse Gothos, p. 33. et 35. Edit. Basil. Vid. Olaus Magnus, elegans rerum Septentrionalium Scriptor, et, quanquam Augustino Mascarado dissentiente, Conringio impense laudatus de sit. Helmstaed. p. 6. Quod saepe evenire usu, neminem fuit, et tale quid in historia Germanica ostendere, in expedito est. Constatque hoc de prisca Germanorum Bardis, teste Anm. Mariellino lib. XV. collat. cum Tac. d. mov. German. et de vetustissimis Celtis ex Ardennei lib. 6. Riv. Reuver. ad Henr. Rantzov. inscript. Abb. Stadenf. Non hic possum, quin exclamem, cum Joanne M. lib. 6. byl. cap. 15. Si Gothis aequo doctus scriptor accidisset, quemadmodum Romanis, multa utique aliter de sua gente tradidisset, atqui haecenus Romani, qui multa tradiderunt infra laudem Gothicae gentis. Interea vid. Conring. in allegato libro de situ Helmstaed. percuriose conscripto, p. 2. Atqui et hic discedo ab iis, qui Germaniae magnae praecipuum partem, unde Gothi exiverunt, a non Germanis antiquitus habitatam credunt.

* * Nempe Gothi, quotquot emigraverunt, nec stabiles sedes, nec eadem potentiae suae domitia habuerunt. Contra, quam cum indigenis comparatum fuit, quorum et fixa et antiqua regia fuit SCA-RA, Ol. Magn. lib. 2. cap. 18. Confer. And. Sev. Velleius ad Adamum Bremenf. H. E. lib. 1. cap. 50. qui exemplo Adami de reg. Dan. Scania extulit. Sed nostri illi modo cis Ralibiam, ut cum medio aegro loqui liceat, modo cu Viadrum, Vistulamque et Danubium constituerunt : modo a Donastro (iuxta Iornandes Borylbenon vocat) ad Tanaim, modo ultra progressi, in Romani imperii provincias irruerunt. In Chaucorum pariter et Hermundurorum venisse terras, indubia extant : de illis probat Conring. de situ Helmstaed. p. 57. De his, post Volfgangum Lazium, celebrem alioqui magis, quam verum veterum migrationum scriptorem, Rutgerus Hermannides descripsi. Spec. p. 16. Vt

reile

recte dixerit Augustissimus Imp. Carolus I. OMNEM FERME EUROPAE NOBILITATEM EX SCANDIA GOTHIAQUE DERIVARI. Cuius sententiae, licet paulo alius verbis conceptae, meminit Rurg. Hermannides p. 416. Propter hanc causam Iornandes Gothici sanguinis Nobilitatem significanter expressit, de reb. Get. p. 126.

*** Si quaeras, cur Danubium intriecerint, existimabo, Romanorum, qui stipendia subtraxerant, avaritia inductos fuisse. Ant. Bonf. Dec. I. lib. II. p. 35. Sin quaerere pertendas, ubi traiecto fluvio aliquantum subsisterint, cum Iornande Moesiam et Thraciam nominabo, de reb. Get. p. 95. Etiam propter Hunnorum impetum transisse, tradit Paulus Orosius lib. 7. cap. 33. Atque hinc accepit Antonius Bonfinius occasionem sic laudandi Hunnos, ut plurimum detrahat Gothis. Sed qui Iornandem evolveris, de rebus Get. p. 136. et 112. edit. Lindenberg. credo, concedet, Hunnos in comparatione Gothorum inglorios, et meticulosos fuisse. Sed interim dabo, fortunam, ut versabitis in bello est, obstitisse quandoque Gothis, ut revera imperante Valente principio obstitis; non tamen committam, ut propterea aliquid Gothorum gloriae praeter meritum decedat. Quia et Hunni forsitan Gothos Gothorum opera superarunt: quandoquidem constat, Ostrogothos aliquandiu paruisse Hunnis: Iornand. de reb. Get. p. 114. Contra Westrogothi semper sui similes, nec foedere unquam, neque obsequio devinciri Hunnis volebant. Io. Magnus lib. 6. cap. 28. Et si fortasse superari fortuna poterant, animos tamen despondere non poterant, lib. eod. cap. 17. Inde apparet ambitio Romanorum, praesertim Constantinopolitanorum, qui GOTHICI titulum sibi per manus tradiderunt, si vel maxime nec vidissent Gothos, nec vicissent. Quod confirmabo ex Manuelis Imp. Constantinop. edito, ex Graeco in Latinum converso ad hunc modum. Manuel in Christo fidelis Rex, porphyrogenetus (purpurigena) Romanorum Imperator, pietate praestantissimus, semper venerandus, Augustus, Isauricus, Cilicius, Armeniacus, Dalmaticus, Ungaricus, Boscenticus, Crabaticus, Lazicus, Ibericus, Bulgaricus, Servicus, Zecchicus, Chazaricus, GOTHICUS, qui gubernatur ab Deo, heres Coronae Magni Constantini, et animo colens omnia iura ipsius. Conf. Joach. Camerar. ad Nicepb. Constantinop. p. 230.

G

Vid.

**** *Vid. Chronica Guthilandorum a Sirelovio edita, sed de quibus notare operae pretium est, plenuque nomina allegari perperam, quaedam inferi nullo exploratae historiae argumento. Conf. praecipue scriptores vergentis mediique aevi, et post hos, recentiores; ex indigenis Io. Magnus, inter externos Ant. Bonfinius iam saepe nominatus. Inprimis hic memorandus Theodericus est, qui, quod alii Gothorum Reges destinaverant, implevit demum, et Gothos Romanosque coniunxit sub uno capite, sub uno iure. Extat eius numus cupreus in hanc rem cum inscriptione, D. N. regni eius Gotbo-Romani documentum. Conf. Iornand. de reb. Get. p. 141. Effigiem cerno insigniter Capillati argumentum, quo forsitan refero quod Iornand. prodidit, Dicendum Gothis Capillatorum cognomen fuisse.*

***** *Sive ob vivax ingenium, quod laudas Iornand. p. 99. sive quod otium displiceret, ut iam praediximus, sive quod regere, quam regi mallent: de VVestrogotibus id supra traditum, et de Ostrogotibus monet Iornand. p. 129. sive quod fastum vicinarum gentium ferre non possent. Hinc veluti Symbola ipsorum fuit, NORVNT GOTH CONFLIGERE CVM SVPERBIS: ap. eund. p. 117. Utionis saepe tanta vehementia fuisse proditur, ut velut insperatum fulmen ruerent percellerentque ib. p. 99. Nempe hi sunt illi Gothi, sub quorum dextra Vandalus saepe iacuit, stetitque sub pretio Marcomannus. Conf. scriptor rer. Get. p. mib. 97. et ex eo Goldast. de reg. Boh. lib. 1. cap. 8. p. 66. Interdum enim hos amicos sociosque, aliquando hostes habuerunt. Nec Gotbi modo, sed etiam Sueones, inprimis X. seculo virtutem suam in Saxonia probarunt, Abb. Stadenf. ad A. 988. Abeant ergo scriptores novi, abeant, inquam, qui praeter historiae fidem affirmant, hoc primum XVII. sec. eluxisse Svedos, et pervenisse ad fastigium Martiae virtutis.*

* *Adducimus Iornandem de reb. Get. p. 95. 105. et 129. Iosephus Scaliger dispekit Gothos in maiores et minores: Illos primo, hos longo, post intervallo Scandinaviam reliquisse confirmat. Maiores iterum dividit in Ostrogotthos, qui Italiam, et VVestrogotthos, qui Septimaniam Narbonensem, et postea Hispaniam incoluerunt. Can. Isagog. lib. 3. p. mib. 338. Nil desidero in hac divisione, si Gotbi prius in Aborigine, seu indigenas, et ab his ortos emissosque divisi fuissent. Alio-*

qui

qui de Minoribus porro memorat Scaliger, hodie posteritatis ipsorum vestigia cerni in Taurica Chersoneso. Assentitur Busbequius, vir ingenio perinde, ac prudentia celebratus, & epist. Turc. qui Getas eo migrasse quondam, non ex vano suspicatur, et vocabula ibidem nostris convenientia allegat. Non facimus cum Christ. Ad. Ruperto, qui negat, has veterum Gothorum reliquias ex Scandinavia venisse in Tauricam Chersonesum, in obs. ad Christ. Besold, Synopf. Multo aliud ex Socrate, Procopio et Iornande facillime evincamus.

** Nec tamen in solidum negabo, antiquis illis temporibus migrasse Sveones, ut quorum posteros fuisse Svecos, haud fas sit dubitare. Finitimos coluisse, veteres tabulae signant: propinquos fuisse, historia demonstrat. Fateor nihilominus, diversis saepe studiis vixisse, nec odiis modo, sed bellis etiam iniuriis, se se invicem laceravisse. Quod inter unius originis populos accidere videmus, iam accidisse olim ipsis Ostrogothis et Vestrogothis, indicia extant. Tandem extinctum Svecorum illud regnum, delatumque ad Gothos est. V. Isidorus Hispalensis in Chron. Svecorum.

IX. De Republica compertum habeo, Gothos Sveonesque Aborigines * pari iure, communique imperio et aequali libertate coaluisse, et quanquam secesserunt ab se invicem saepe, atque adeo iverunt in partes, ** rediisse tamen in gratiam, et coivisse incitatus rursus, unius nominis sanguinisque causa. Sive ut natione, ita animis iuncti erant, famam pariter ac regnum, mutua fide copulatum, victoriis amplificaverunt, et munia fortissimorum civium sociorumque obierunt, iis praecipue artibus, quarum religione VVODANO *** obligabantur. Ceteri, quotquot excitati ad migrandum commoverant se, atque discesserant in alias terras, nec sub uno capite, nec sub eodem iure fuerunt, **** quum, sicut diutitas regiones, ita diversa regum imperia sortirentur.

* Pro certo affirmat Iornandes de reb. Get. p. 99. Ostrogothos, et Vestrogothos unius Imperio subditos fuisse. Fuit autem non Abori-

gines intelligat, sed ab his egressor; tamen nil vetat, quo minus ab his colligamus, et statuamus convenienti iudicio de illis. Saxo Grammaticus lib. 13. p. 212. edit. Francof. praerogativam eligendi regis tribuit Suedis, et eo privilegium asserit, et maiorem splendorem. Quae causa fuit, cur in compositione vocabuli, quod dissertationi titulum argumentumque praebet, auspicaremur a Sveonibus, desineremus vero in nomine Gothorum: exposcit enim usus civilis, ut in verborum aliqui scorsim offerri solitorum contextu initium a praestantiori capiatur. Ut minus recte vulgo dicant Gotho Sveones, quos Sveogothones pronuntiare debuerunt. Sed porro videamus, an in unius populi corpus Svedi Gothique coaluerint. Planissime praef. Histor. cap. 2. Ioh. Magnus scribit: A regnorum initio Gothi et Sveci quasi in unam Rempublicam coaluerunt, quemadmodum ipsa natura in una munitissima insula, ne unquam dissentirent, collocavit. Idem lib. 7. cap. 1. memorat, Vginum Gothiam adiunxisse Svediae regno. Unde observandum esse ducimus, Gothiam antiquissimo tempore Svediae coniunctam, proprie non imexam fuisse, quum utriusque populi proceres ius eligendi habuerint, et Sveones saepe recesserint a societate Gothorum, et hi vicissim ab illis, non recessuri, si coaluissent in unius populi corpus, vincoloque unius civitatis copulati fuissent. Contra, quam bodie, ubi una eademque est Sveonum Gothorumque Respublica, nec coniunctae modo, sed insertae uni civili corpori, eoque illigatae uni regno gentes intelliguntur, intelliguntur, inquam, evidentissimo iudicii civilis argumento. Quamquam ut olim, ita et nunc Scandinavia contineat Respublicas diversas, si praeter Svediam Gothiamque comprehendat Gronlandiam, Orcades, Norvegiam, ut comprehendere arbitrat in Schonbia sua Iacobus Zieglerus, scriptor doctus et tersus, idemque oriundus a Gothis, nec imperitus Gothicarum rerum. Ac de Norvegia omnes consentiunt, ut Io. Ismaelius Pontanus, Phil. Cluverius, Andreas Bureus, et Strienbielmus in differat de Gothis, pertinere ad Scandinaviae ambitum: Acqui Norvegiae regnum, nec nunc, neque olim innexum Svediae est, tametsi Norvegorum Danorumque vetustissimi reges descenderint ex Svedis. Vid. Hermannid. descript. Spec. p. 20.

* * Non secus, atque proditum est de Saxonibus, prodixisse ex Danis et Nordmannis, quam veterum opinionem recenset VVittekinus

aus Corbeienfis, annal. Sax. f. de Gotbis Sveonibusque divifis Io. Magnus lib. 5. cap. 1. et 3. et 15. De iis, qui exiverunt, Iornandes de reb. Get. p. 105. confirmat. A quorum (Ostrogothorum) inquit, societate iam VVefegothae decessere; quam dudum inter se iuncti habebant. Propterea p. 129. admonet, se tradidisse de Ostro-et VVefro Gotbis coniunctis, vel, quod ipse loquitur, qui in uno erant, et de iisdem ut divifis. Conf. p. 114. 121. 130. 131. et 135. Unde liquet, Ostrogottbos Hunnorum Imperio obnoxios fuisse, contra, quam id accepimus de VVefrogothibz, quos Romanorum foederatos allegat Io. Magnus lib. 9. cap. 4. Ostrogottbis interea Hunnorum auspiciis fecutis. Conf. lib. 6. cap. 28.

*** VVodan meminit Paulus Diaconus in Hist. Longobard. lib. 1. p. 189. et 199. Ab alia, ut ibidem videre est, litera augetur, ac scribitur Gvoda. Sed fallit idem, cum Mercurium interpretatur. Re-
 Elius Adamus Bremenfis de situ Daniae et Septentrional. Regnorum, describit per Martem, et armatum, quod Martis indicium est, sculpi solitum affirmat, refertque inter Sveonum, quos supersticio fascina-
 runt, Deos. Conf. Iornand. de reb. Get. pag. 86. Add. Lindenbrog. observat. ad Paul. Diac. p. 342. Ad Dan. Saxo Sialandicus lib. 6. p. 92. 93. ad Angl. VVib. Malmesb. Eb. 1. p. 9.

**** Nempe socii erant, non proprie cives, foederati, non innexi vinculo Reipub'licae unius. Vid. paulo ante.

X. Sequitur, ut, quanta Sveonum Gothorumque er-
 ga suos reges officia fuerint, exponamus. Imperia, ut col-
 ligo, venerari potius utrique, quam abiecte timere volue-
 runt, * institutorum, quae a maioribus accepissent, tena-
 ces, et quantum pro libertate solliciti, tantum abhorrentes
 ab impotenti dominatu. Reges ex familiis, et familiarum,
 ** et virtutis *** respectu eligebantur, qui non florerent pa-
 ce magis, quam bello, quique aequitatem domi, fortitudinem
 foris approbarent. Intestinus hostis magis, quam externus
 odio fuit.

* In suis gentibus his mores, non pati imperium herile. Quid

comprobo ex actis atque eventis, et tot exemplis olim vindictae liberatae. Paulo aliter Tacitus de ipsis: Unus imperitat, inquit, nullis iam exceptionibus, non precario iure parendi, de mor. Germ. Multum ab eo discedit Adamus Bremensis de sit. Dan. et sept. reg. et scribit ad hunc modum. Reges habent (Sveones denotat) ex genere antiquos, quorum tamen vis pendet in populi sententia, quod in commune laudaverint omnes, illum confirmare oportet. Addit vero, nisi eius decretum potius videatur, quod aliquando sequuntur invit. Non capio, quomodo pro illo tempore potius decretum intelligatur, nisi in quantum usu iudicioque praestantius denotatur, quippe quod tunc omne decernendi momentum penes populum esset, ut prodidit Adamus. Quod indicio est, Tacitum in Gallia Belgica commoratum, parum forte exploravisse res Sveonum, et certe nunquam pervenisse ad veteres Scanos ac cis-Baltianos. Vi parum considerati animi sit, vel sola Taciti auctoritate evincere, Sveones multum abesse ab ingenio Germanico. Vult autem Pacif. a Lapide Not. in Monzamb. p. 85.

** Non ex plebe, sed ex proceribus ascitos esse reges, testimonio Adami Bremensis modo allegato confirmamus, quancogvidem is Sveonum reges vocat EX GENERE ANTIQVOS, id est, avita nobilitate inclutos, nec heri aut nudius tertius imagines atque insignia adeptos. Iornandes testatur, Alaricum VTestrogothum ex secunda nobilitate electum fuisse, p. 109. Prima olim et praestantissima Gorthorum nobilitas erat penes Balthor, et Analor, illi VVistigothis, hi Ostrogothis accensebantur. Ant. Bonfinius dec. 1. lib. 2. p. 33. Conf. Iornand. de reb. Ger. p. 109. et 119.

*** Innuir hoc Bonfinius Dec. 1. lib. 3. p. 47. dum tradit, Boremundum censuisse, nonnisi nobilitate familiae et virtute obtineri posse principatum inter Gorthos. Erit id documento existimatoribus civilium rerum, sub tempus illud successionem pro maiori parte valuisse, sed renunciandi inaugurandique vim penes populum fuisse: praeterea imperii iura non libere, sed sive legibus, sive moribus aestimari oportuisse. Ex quo factum memini, quod Sveones aliquando recederent a societate Gorthorum, pertaesi iis regibus subesse, qui iniurias inferrent. Io. Maginus H. lib. 5. cap. 3. Conf. lib. 7. cap. 1. et alibi. De Gothis mi-

rum dictu, quod Aimoinus de gest. Franc. lib. 2. 268. edit. Hanov. refert, ap. Gothos iam olim in consuetudinem vertisse, ut occiderent, si displicerent, re-
ges. Conf. p. 376.

XI. Verum enimvero, ut temporum rerumque vicissitudines sunt, ita hodiernus regni status multum ex veteri illo mutavit. * Est penes regem imperandi gloria. ** Ordines consilium praebent, ille pacto, *** hi fide obligantur et parendi iure, in quantum sinunt iura Ordinum, et sacrae regni leges.

* Hodie longe aliter, quam olim, praesunt Svedorum Gothorumque reges. Antiquitus siue immista successioni electio, siue creandi potestas penes populum erat, nunc mera successio, licet pacto definita, obtinet. Fulgo dicunt vetus Gothiae Svediaeque regnum partim hereditarium, partim electivum fuisse, nunc mere hereditario iure atque successione titulo censer. Conf. Adolph. Brachel. hist. nost. temp. ad A. 1629. Olim iura imperii penes populum fuerunt, nec divisim solum, sed etiam potiori parte, auctore Adamo Bremense, rerum Septentrionalium peritissimo, contra, quam nunc reges summae rerum impositi, regia auctoritate pollent, quatenus reges, imperium gerunt, licet pacto iurisiurandi religione comprehenso obligati. Tum Svedia et Gothia ultimis retro seculis non una Republica, sed una gente continebantur, non magis quam foederis vinculo copulae, sed postea redactae in unum civile corpus: ut mittamus plura alia huius divriminis indicia.

** Habet Svedia Reges, habet Monarchas non heriles, aut insolentis dominatu graves, sed paternos, sed moderatos, sed regnandi egregio quodam temperamento decoros. Si ardua regni definienda sunt, si ferendae leges, si belli pacisve negotia tractanda, nec rex in vitis Ordinibus, nec Ordines invito rege statuere possunt. Quae nota est non tam deminutae, quam temperatae maiestatis, temperatae, inquam, novissime ex pacto Caroli-Gustaviano A. cto 17c L. ut sua ordinibus privilegia atque civitae immunitates conserventur.

*** Memorandae hic pactiones quaedam sanctionesque Regni, i. Gustaviana, ad hunc modum appellata a Gustavo I. libertatis Svedicae, instauratore, et Sveogothicae successione fortunatissimo auctore, cuius ex-

et quoque testamentum ab Ordinibus regni confirmatum, eoque ad posteritatis memoriam referendum, 2. Norcopingense decretum A. 1604. vulgo *der Norcopingische Recept*, cuius meminit Iacobus Augustus Thuanus, de propagine Sigismundea, nunquam propter violatam a Sigismundo fidem in Svediae Regnum erebenda, ad praedictum A. 1604. Atque hinc velut ex fonte manarunt *pälta Stumtorfsiensta* cum Polonis inita, 3. *Placitum Orebrogense*, *das Örebrofsche Recht*. 4. *Pactum*, quod dicitur, *Carolo-Gustavianum*, anno huius seculi quinquagesimo Holmiae promulgatum: quibus omnibus et singulis iuri aequae, ac libertati Svediae provisum sapienter est. De quo nuper pulchre admonuit Iuriconsultissimus vir, Ericus Mauritius, nunc Senator in Augusto, quod Spirae Nemetum est, tribunali, et quaedam de eo inseruit notis Io. Loccenius pag. 24. et 25. ad hist. Sved. Nec forte hic praeter rem memorabo legem, de non abalienandis Regni Svedici provinciarum portionibusque ad Patrimonium regium pertinentibus, conceptam, quam Latine reddidit Reginaldus Ingelmundus.

XII. In extremo operis aequum est, ut CAROLO XI. iam velut in limine gloriae, accipiendorumque Regni insignium stanti vota nuncupem. Qvi Svedorum, quibus patriam debet, amor, Tevtonum, quibus sanguinem, spes est, praesertim in tanto Europae, rerumque, quas optimas ducimus, discrimine. Server hunc regem Deus, et faustam esse iubeat instantem inaugurationem, praestetque invictum, et GVSTAVIS CAROLISque parem, ac dotes, quibus eminet, maximas, non Svediae modo, sed toti orbi reddat salutare.